

ՄՏԱՆԴԱՐՏԱՑՄԱՆ ՄԱՍԻՆ ՕՐԵՆՔՈՒՄ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

ՆԱԽԱԳԻԾ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ՕՐԵՆՔԸ

ՄՏԱՆԴԱՐՏԱՑՄԱՆ ՄԱՍԻՆ ՕՐԵՆՔՈՒՄ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

Հոդված 1. «Ստանդարտացման մասին» 2012 թվականի փետրվարի 8-ի ՀՕ-21-Ն օրենքի լայսուհետ՝ Օրենքի 2-րդ հոդվածի 1-ին մասում

1. Լրացնել 9.1-րդ և 9.2-րդ կետերով՝ հետևյալ բովանդակությամբ.

«**9.1) հիմնադրական ազգային ստանդարտ**՝ Ստանդարտացման ազգային մարմնի կողմից մշակված և հաստատված ազգային ստանդարտ, որով սահմանվում են ստանդարտացման աշխատանքներին վերաբերվող ընդհանուր դրույթներ, ինչպես նաև ազգային ստանդարտների տեսակները.».

«**9.2) այլ պետության ազգային ստանդարտ**՝ այլ պետության ստանդարտացման ազգային մարմնի կամ կազմակերպության կողմից ընդունված և հանրությանը հասանելի ստանդարտ.»:

2. 10-րդ կետը շարադրել հետևյալ խմբագրությամբ.

«**10) տեխնիկական պայմաններ**՝ կազմակերպության ստանդարտի տեսակ, որով սահմանվում են տեխնիկական պահանջներ որոշակի արտադրանքի, աշխատանքի (գործընթացի), ծառայության նկատմամբ.»:

3. 13-րդ կետում «պետության» բառը փոխարինել «Հայաստանի Հանրապետության կառավարության» բառով:

4. 17-րդ կետից հանել «Ստանդարտացման ամենամյա ծրագիրը ներառում է նաև պետական ամենամյա ծրագիրը և հաստատվում է ստանդարտացման խորհրդի կողմից:» նախադասությունը:

5. Լրացնել 18-րդ կետով՝ հետևյալ բովանդակությամբ.

«18) **ստանդարտացման տեխնիկական խորհուրդ**՝ ստանդարտացման ոլորտի

համապատասխան մասնագետներից կազմված և Ստանդարտացման ազգային մարմնի ղեկավարի հրամանով ձևավորվող խորհուրդ:»:

Հոդված 2. Օրենքի 3-րդ հոդվածի 1-ին մասի`

1. 1-ին կետում «ծառայությունների և գործընթացների» բառերը փոխարինել «ծառայության և գործընթացի» բառերով:

2. 2-րդ կետը շարադրել հետևյալ խմբագրությամբ.

«2) արտադրանքի, գործընթացի, ծառայության որակի և հայկական արտադրանքի մրցունակության բարձրացման խթանումը.»:

3. 5-րդ կետում «խոչընդոտների» բառից հետո լրացնել «նվազեցումը կամ» բառերը:

Հոդված 3. Օրենքի 4-րդ հոդվածի 1-ին մասում`

1. 6-րդ կետում «(այդ թվում` եվրոպական)» բառերը փոխարինել «, տարածաշրջանային, (այդ թվում` եվրոպական և միջպետական)» բառերով, իսկ «արդյունքների» բառը փոխարինել «ուղեցույցների» բառով:

2. 8-րդ կետը շարադրել հետևյալ խմբագրությամբ.

«8) գործողության մեջ դրված ազգային ստանդարտների և դրանց փոփոխությունների վերաբերյալ տեղեկատվության հրապարակում Ստանդարտացման ազգային մարմնի պաշտոնական կայքում.»:

3. 9-րդ կետում «տեխնիկական հանձնաժողովների» բառերից հետո լրացնել «կամ դրանց բացակայության դեպքում աշխատանքային խմբերի» բառերը:

Հոդված 4. Օրենքի 5-րդ հոդվածի 1-ին մասում «սույն օրենքով» բառերից հետո լրացնել «, այլ հրավական ակտերով և հիմնադրական ազգային ստանդարտներով» բառերը:

Հոդված 5. Օրենքի 6-րդ հոդվածի 1-ին մասում «կիրառվում են» բառերից հետո լրացնել «միջազգային» բառը:

Հոդված 6. Օրենքի 8-րդ հոդվածի 1-ին մասում «տեխնիկական կառավարման խորհուրդը» բառերը փոխարինել «կառավարման խորհուրդը» բառերով:

Հոդված 7. Օրենքի 9-րդ հոդվածի 1-ին մասի`

1. 1-ին և 3-րդ կետերը շարադրել հետևյալ խմբագրությամբ.

«1) մշակում և համակարգում է ստանդարտացման ոլորտում պետական քաղաքականությունը.

3) Հայաստանի Հանրապետության կառավարության հաստատմանն է ներկայացնում ստանդարտների մշակման ծառայությունների ամենամյա

ծրագիրը, ստանդարտացման աշխատանքների ամենամյա ցանկը.»:

2. Լրացնել նոր 3.1 կետով հետևյալ բովանդակությամբ.

«3.1) Հայաստանի Հանրապետության կառավարության հաստատմանն է ներկայացնում արտադրանքի և ծառայությունների որակի ապահովման բնագավառում ամենամյա մրցանակներ սահմանելու և շնորհելու մասին կարգը»:

Հոդված 8. Օրենքի 10-րդ հոդվածի`

1. 1-ին մասում «սահմանում է» բառը փոխարինել «ճանաչվում է» բառով

2. 2-րդ մասում`

1) 1-ին կետում «ստանդարտները» բառը փոխարինել «ստանդարտները, դրանց փոփոխությունները, ուղղումները.» բառերով.

2) 5-րդ կետում «ստեղծում» բառից հետո լրացնել «, փոփոխում և լուծարում է» բառերը.

- 8-րդ կետը շարադրել հետևյալ խմբագրությամբ.

«8) ստեղծում, վարում և արդիականացնում է ստանդարտացման փաստաթղթերի ազգային ֆոնդը.».

4) 14-րդ կետում «ստանդարտների» բառից հետո լրացնել «, տեխնիկական պայմանների, դրանց փոփոխությունների նախագծերի փորձաքննություն.».

5) 15-րդ կետում «կանոնակարգող» բառից հետո լրացնել «կամ համակարգող» բառերը.

- լրացնել 18-րդ և 19-րդ կետերով` հետևյալ բովանդակությամբ.

«18) հաստատում, հրապարակում և լիազորված պետական կառավարման մարմին է ներկայացնում հաշվետվություն Հայաստանի Հանրապետության ստանդարտացման ամենամյա ծրագրի կատարման վերաբերյալ.

19) կազմակերպում է այլ պետությունների ստանդարտների հրապարակումը և տարածումը` այլ պետությունների ստանդարտացման կազմակերպությունների հետ կնքված պայմանագրերին (համաձայնագրերին) համապատասխան.»:

Հոդված 9. Օրենքի 11-րդ հոդվածում`

1. 1-ին և 7-րդ մասերը շարադրել հետևյալ խմբագրությամբ.

«1. Կառավարման խորհուրդը (այսուհետ` Խորհուրդ) Ստանդարտացման ազգային մարմնի կառավարման մարմինն է, որը կազմված է Խորհրդի նախագահից և 9 անդամներից` ստանդարտացման և չափազիտության գերակա ոլորտներում ներգրավված շահագրգիռ հանրային

ծառայության պաշտոն զբաղեցնող 5 անձանցից և ոչ պետական կազմակերպությունների 4 ներկայացուցիչներից:

7. Խորհրդի նիստերի որոշումներն ընդունվում են նիստին ներկա անդամների ձայների պարզ մեծամասնությամբ: Խորհրդի նիստերը կարող են անցկացվել նաև հեռավար՝ առցանց եղանակով: Հեռավար նիստերի ժամանակ քվեարկությունը կատարվում է **Էլեկտրոնային հաղորդակցման միջոցներով (առցանց)**: Նիստին ներկա անդամների ձայների հավասարության դեպքում Խորհրդի նախագահի ձայնը վճռորոշ է:»:

2. 8-րդ մասի՝

- 2-րդ կետը շարադրել հետևյալ խմբագրությամբ.

«2) հաստատում է Ստանդարտացման ազգային մարմնի աշխատանքային ծրագրերը.».

2) 3-րդ և 12-րդ կետերը ուժը կորցրած ճանաչել:

Հոդված 10. Օրենքի 12-րդ հոդվածի 2-րդ մասի 4-րդ կետում «ձևավորմանը» բառից հետո լրացնել «և ներկայացնում է առաջարկություններ» բառերը:

Հոդված 11. Օրենքի 13-րդ հոդվածի 1-ին մասի՝

1. 6-րդ կետում «կազմակերպության ստանդարտները» բառերից հետո լրացնել «, և տեխնիկական պայմանները» բառերը:

Հոդված 12. Օրենքի 14-րդ հոդվածի՝

1. 2-րդ մասից հանել «, ինչպես նաև դասակարգման օբյեկտների և դրանց ենթաբազմության կողերի ու անվանումների հավաքածուներ» բառերը:

2. 4-րդ մասից հանել «հավանության և վերահրատարակման» բառերը:

Հոդված 13. Օրենքի 15-րդ հոդվածը լրացնել 2-րդ մասով՝ հետևյալ բովանդակությամբ.

«2. Ռազմական արտադրանքի ազգային ստանդարտների համար կիրառվում է «Հայաստանի ռազմական ազգային ստանդարտ» անվանումը և «ՀՍ Ռ» դասիչը:»

Հոդված 15. Օրենքի 15.2-րդ հոդվածի 1-ին մասում «ընդունում» բառը փոխարինել «հաստատում» բառով:

Հոդված 16. Օրենքը լրացնել 15.3-րդ հոդվածով՝ հետևյալ բովանդակությամբ.

«Հոդված 15.3. Տեխնիկական պայմանները

1. Տեխնիկական պայմանները մշակում, հաստատում, դրանցում

- փոփոխություններ կատարում, չեղյալ են հայտարարում իրավաբանական անձինք և (կամ) անհատ ձեռնարկատերերը: Տեխնիկական պայմանները և դրանց փոփոխությունները ենթակա են փաստաթղթային փորձաքննության և հաշվառման Ստանդարտացման ազգային մարմնում համաձայն գործող ստանդարտացման կանոնների և ուղեցույցների: Տեխնիկական պայմանները և դրանց փոփոխությունները փաստաթղթային փորձաքննության ներկայացնելիս՝ ելնելով անհրաժեշտությունից, հայտատուն ներկայացնում է նաև համապատասխան պետական մարմնի կամ ոլորտային կազմակերպության եզրակացությունը (համաձայնեցումը):
2. Տեխնիկական պայմանները չպետք է հակասեն տեխնիկական կանոնակարգերով սահմանված պահանջներին:»:

Հոդված 17. Օրենքի 16-րդ հոդվածի 3-րդ մասի 1-ին կետում «կանոնակարգերով» բառից հետո լրացնել «կամ նորմատիվ իրավական ակտերով.» բառերը.

Հոդված 18. Օրենքի 19-րդ հոդվածի՝

1. 1-ին մասի՝

- 1-ին կետում «ստանդարտացման ամենամյա պետական» բառերը փոխարինել «պետական ստանդարտացման ամենամյա» բառերով:
- 3-րդ կետում «մուծումը» բառը փոխարինել «վճարումը» բառով:

2. 2-րդ մասի 3-րդ կետում «սերտիֆիկացումից» բառը փոխարինել «համապատասխանության գնահատումից» բառով:

Հոդված 19. Օրենքի 20-րդ հոդվածի 2-րդ մասը ուժը կորցրած ճանաչել:

Հոդված 20. Սույն օրենքն ուժի մեջ է մտնում պաշտոնական հրապարակման օրվան հաջորդող տասներորդ օրը: